

եթէ թովնա ասորի անեն՝ հարկատու առնէ և զԵրուսաղէմ, և յոչ անասլ Աստուածաբոյ՝ ՚ի բաց կացին ՚ի նրմանէ :

Ենչա զինի սակաւ աւուրց եւ Մարտիրոս վարդապետ ՚ի Կաֆայէ, և իմացեալ որ ինչ գործեցաւն՝ լուռ եղեւ, մանաւանդ թէ անփոյթ լեալ զայնմանէ՝ խնդրէր Հնարս վասն իրացն Երուսաղէմի . էտա ընդ իւր զամնո ՚ի Հայոց և զնաց ընդ առաջ Քէօպրիւլիւ Եպարքոսին՝ որ դարձեալ գայր ՚ի պատերազմէն Մաճառաց ընդ ճանապարհ Պելըրդաու, և մատուցեալ առ նա գիր աղաչանաց յիւրմէ և ՚ի Թաթար Խանէն, աղաչէր վասն տեղւոյն Ս . Յակոբայ, զոր առին Յոյնք : Իսկ Եպարքոսն զայրադին զխօք սաստեալ նմա եւ որոց ընդ նմա՝ առէ, եւ ա՛ստ եւս եկեալ գտիք զիս, խոսվարարք դուք, յորոց բանից զահի հարեալ նոցա, հազիւ ուրեմն զերծուցին զանձինս՝ եւ դարձան սրտմութեամբ յետս :

Իսկ Եղիազար Անթուպցի՝ էր տակաւին ՚ի նոյն աւուրս ՚ի բանակ Բդեշխից ապստամբելոց, արգելեալ անդ իրր ՚ի կալանս ՚ի Թիյար օղլու Բդեշխէն Դամասկոսի, ընդ որում եկն մինչեւ ՚ի Պրուսա, և խնդրէր Հնարս զերծանիլ ՚ի ձեռաց նորա, և երթալ հոգալ վասն Ս . Յակոբայ, զի յուսահատ եղեւ ՚ի խոստմանէ Բդեշխին, որոյ վասն գրեաց բազում անգամ թուղթ աղաչանաց առ Հայս ՚ի Կոստանդինուպօլիս, և ձեռամբ նոցա մատոյց աղերս առ Եպարքոսն Քէօպրիւլիւ, որ նորոգ դարձեալ էր ՚ի քաղաքն : Իսկ Եպարքոսն որովհետեւ ըստ չարախօսութեան թլթըլեանց՝ համարէր զնա միաբան ընդ ապստամբսն, ոչ միայն չանսայր աղաչանաց նորա, այլ և զհետ էր ՚ի ձեռս ամել և պատուհասել զնա : Եւ Եղիազար նեղեալ էր յոյժ յերկուց կողմանց . զի մնալ ՚ի բանակի ապստամբաց յանցանս համարէր եւ երկնչէր յերեսաց Եպարքոսին, իսկ փախչիլ ՚ի բանակէ անտի ոչ համարձակէր, կասկածեալ յահէ Բդեշխից : Այլ յետոյ վատահացեալ ՚ի շնորհս Եպարքոսին և գրով աղերսանաց յայտ արարեալ թէ ահամայ կամ յարգելանս ՚ի բանակի աստ՝ խոյս ետ հնարիւք, և եկն ՚ի տեղի ուրեք մօտ ՚ի Կոստանդինուպօլիս յամենանն Նոյեմբերի, և նստու զամիսս երիս արտաքոյ քաղաքին ՚ի պարտիզի